



**Terorističke grupe: Većina juče uhapšenih osumnjičena da se ranije borila na ratištu u Siriji ili Iraku na strani terorističkih grupacija**

**Nihada HASIĆ**

SARAJEVO - Pripadnici Državne agencije za istrage i zaštitu (SIPA) juče su na području pet gradova u Federaciji BiH uhapsili 11 osoba osumnjičenih za terorizam jer ih sigurnosne službe povezuju s odlascima bh. državljana na ratišta u Siriji i Iraku.

Većina juče uhapšenih osumnjičena je da se ranije borila na ratištu u Siriji ili Iraku na strani terorističkih grupacija, što je u BiH kažnjivo od početka ovog ljeta, kad su na snagu stupile izmjene Krivičnog zakona BiH.

Jučerašnja hapšenja, izvršena na području Sarajeva, Zenice, Kaknja, Maglaja i Živinica, nastavak su akcije "Damask" u kojoj su 3. septembra ove godine uhapšeni samoproglašeni vođa vebašijske zajednice u Bosanskoj Krajini Husein Bilal Bosnić i još 15 osumnjičenih.

Prema nezvaničnim informacijama, juče su uhapšeni Ramiz Ibrahimović iz Maglaja, Fikret Hadžić iz Kaknja, koji je navodno u Siriji ratovao u dva navrata, Mehmed Tutnić iz Nemile, kod Zenice, Halil Garanović iz Šenića, kod Zenice, Senad Kljajić i Enver Lilić, koji je prošle godine bio i ranjen na sirijskom ratištu tokom borbi protiv režima predsjednika Bašara al Asada.

Pripadnici SIPA juče su uhapsili i Kenana Okana, Sarajliju Berina Tahića, povratnika sa ratišta u Siriji, Salku Imamoviću, Samira Hadžalića i Ahmeta Mušanovića.

**POVOD:** Iz SIPA su saopštili da je akcija "Damask" pokrenuta kako bi bili privedeni oni koji godinama učestvuju u akcijama ili finansijski podržavaju razne terorističke skupine u inostranstvu.

"U toku je kriminalistička obrada privedenih, a akcija je sprovedena u saradnji s MUP-



**BILAL BOSNIĆ PRVOOSUMNJIČENI U AKCIJI**



Pripadnici SIPA priveli 11 osob

# Uhapše ratovan Siriji i Ir

ovima Kantona Sarajevo, Zeničko-dobojskog i Tuzlanskog kantona. Zaplijenjena je određena količina naoružanja, te minsko-eksplozivnih sredstava", rekla je Kristina Jozić, glasnogovornica SIPA.

Jedanaestorica juče uhapšenih osumnjičeni su da su finansirali terorističke aktivnosti, javno podsticali na terorističke aktivnosti, vrbovali radi terorističkih akti-

vnosti, organizovali terorističke grupe, te protivzakonito formirali i pridruživali se stranim paravojnim ili parapolicijskim formacijama.

"Osumnjičene osobe dovode se u vezu s finansiranjem, organiziranjem i vrbovanjem bh. državljana za odlazak u Siriju i Irak, te učestvovanjem u oružanim sukobima u Siriji i Iraku, boreći se na strani radikalnih terorističkih gru-



Hapšenja izvršena na području Sarajeva, Zenice, Kakuja, Maglaja i Živinica

a osumnjičenih za terorizam

# ni zbog ija u 'aku

## Moguće kazne

●●● Prema izmijenjenom Krivičnom zakonu BiH, koji je ljetos stupio na snagu, učesnicima u stranim vojnim, paravojnim i parapolicijskim formacijama, protivno Zakonu o odbrani ili Zakonu o službi u Oružanim snagama BiH, prijeti kazna zatvora do deset godina. Oni državljani BiH za koje se utvrdi da organiziraju, rukovode, obučavaju, opremaju ili mobilizuju pojedince ili grupe ljudi radi pridruživanja takvim formacijama bit će sankcionisani kaznom zatvora od najmanje pet godina. Do četiri godine zatvora prijeti onima koji putem medija promovisu ili pozivaju u rat.

pa i organizacija", saopštili su iz SIPA i naglasili da ova agencija od početka izbijanja oružanih sukoba u Siriji i Iraku prikuplja informacije i saznanja koja se odnose na odlazak bh. državljana na sirijsko i druga strana ratišta.

U SIPA su napomenuli da je akcija "Damask" rezultat višegodišnje složene kriminalističke istrage, kojom je bio obuhvaćen veći broj osoba i da je u njoj juče

učestvovalo više od 100 policijskih službenika.

**BOSNIĆ:** Prvoosumnjčeni u akciji "Damask" Husein Bilal Bosnić, koji je javno propagirao odlazak bh. državljana na strana ratišta, u pritvoru je otkako je uhapšen 3. septembra. U pritvoru su još četvorica tada uhapšenih Avdulah Hasanović, Enes Mešić, Emin Hodžić i Adem Karamuja.



## VRBOVANJE

**Osumnjičene osobe  
dovode se u vezu s  
finansiranjem,  
organizovanjem i  
vrbovanjem bh.  
državljana za  
odlazak u Siriju i Irak**

Na ročištu o određivanju pritvora Bosniću i ostalima tužilac Tužilaštva BiH Dubravko Čampara kazao je 1. oktobra da je u borbama na strani terorističke organizacije Islamska država (IS) u Siriji i Iraku dosad poginulo 30 građana BiH. On je naglasio i da je, prema podacima kojima raspolaze Tužilaštvo BiH, 150 ljudi iz BiH trenutno na ratištima u Siriji i Iraku.

Kristina Jozić, glasnogovornica SIPA, naglasila je da su Sud i Tužilaštvo BiH, nakon utvrđivanja potrebnih činjenica i potvrđivanja osnova sumnje, na prijedlog Državne agencije za istrage i zaštitu izdali naredbe za jučerašnje pretrese i hapšenja.

"U sjedištu SIPA formiran je operativni štab akcije, koji koordinira cjelokupne aktivnosti na terenu. Nakon što se u službenim prostorijama SIPA nad osobama lišenim slobode izvrši kriminalistička obrada, o njihovom daljem statusu biće odlučeno shodno uputama postupajućeg tužioca", naglasila je Jozićeva.

Zakon o krivičnom postupku BiH propisao je da osumnjičeni za terorizam u policijskom pritvoru mogu biti zadržani 72 sata.